



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會編

上海古籍出版社

清代詩文集彙編 七五九

扁善齋文存三卷扁善齋詩存二卷 鄧嘉緝 撰

浙使紀程詩錄一卷 吳樹梅 撰 一四三

懷亭詩錄六卷懷亭詞錄二卷懷亭詩續錄六卷懷亭詩三錄一卷 蔣學堅 撰 一七五

金粟山房詩鈔十卷 朱甯瀛 撰 三三五

金粟山房詩續鈔三卷 朱甯瀛 撰 四一三

玉屑詞三卷 朱甯瀛 撰 四三一

汴遊冰玉稿初集四卷 朱甯瀛 撰 四五一

汴遊冰玉稿二集五卷 朱甯瀛 撰 四七一

晚香齋文存三卷 朱甯瀛 撰 五〇一

素園晚稟二卷附晚香齋文綴存一卷 朱甯瀛 撰 五二九

未味齋詩集五卷 英 瑞 撰 五四九

益山文錄八卷益山詩錄二卷
顧雲撰

扁善齋 文存

文煜題

光緒二十七年
仲冬之月刊成

扁善齋文存序

光緒己丑通典客曾忠襄公幕中與金陵人士游始識鄧君熙之因熙之以交其友上元顧子鵬蔣紹由皆有品詣能安貧愈益知熙之之賢熙之性質直於世無所耆獨好學落然與世寡合世之人亦不樂近之而通典偕子鵬紹由三人乃數數相過從過卽論古今治亂之故救時之策及詩古文辭升降利病欣然不覺日之冥也熙之故名家子丁粵賊之難少而流離窮阨自高氣節遭亂磨鍊能通世務會金陵克復乃言歸時曾文正督兩江賓異之然數奇文正

扁善齋文存序

薨益不遇既不見用於世則往往爲詩古文自娛關覽百家窮日夜無倦其文神樸而思絜雖若斂退無瑰璋奇麗之可喜庶幾其有序者自古文家創宗派之說望溪惜抱兩先生最爲正宗而同出於桐城蘇是有桐城派厥後惲子居傳嬗推大徒黨相和則有陽湖派暨吾鄉曾文正公出師昌黎而直躋遷固益雄奇變化擴方姚以臻於大近之論者又以爲湘鄉派而流俗相沿更有所謂不立宗派之古文家通典私獨非之以謂文章之道求其是而已古之能文者道與天下爲公而其心必有所獨至然後立於不敝

守一先生暖姝之議毀所不見終以自封曰吾宗派
云爾抑何其示天下以私哉君子立言厥初明理講
學而標宗旨作文而分宗派斯二者固俱譏焉熙之
則大韙之以爲能達於理也熙之文近姚氏稱其雅
絮大小修短合於法度然自病學無經術不能沈浸
踵嫩於古其體隘而其氣不充嗟嗟若重有惡焉益
篤學至老而志不衰蓋文章之變多矣見之卓而學
不逮學之勤而才力薄此古今文人所同疚心者也
烏乎非知之艱行之惟艱天下又豈惟文字哉而熙
之得力之淺深與其虛心善下人種學而覃思皆可

扁善齋文存序

二

以知之矣熙之名盛於江南江南交口稱其文而熙
之窮愈甚以筆札自活頭童然垂衰且病紹由屢蹟
場屋流轉山左無所活子鵬膺某將軍聘修吉林志
行吟古肅春氏地去其家絕遠各數年不相見而通
典以庚寅歸更先恭人之憂復遊金陵爲江督劉公
掌書記與熙之重此晤會靜言身世盡然莫知涕之
何從然熙之雖顛踣貧羸而能自立以有成其文可
傳於後無疑於熙之何憾獨可爲

國家用人才者惜也熙之擴生平所爲文擇其尤雅
者都爲兩卷手自寫定示通典而屬爲序通典陋甚

豈足以序熙之之文而文亦不足以盡熙之因略述
疇昔所論議者以弁其端子鵬紹由各以衣食奔走
天涯不得與相商推也光緒二十年甲午三月湘鄉
張通典

扁善齋文存序

三

扁善齋文存序

鄧熙之先生以詩古文雄吾鄉家驛弱冠時卽聞顧石公丈稱先生古文追顧丈館薛廬益山之陽烏龍潭之側良辰嘉會騁歌閒作家驛又每每誦先生之詩於顧丈所光緒庚寅秋翁君鐵梅刻石城七子詩既竟乃得盡取先生之詩而讀之其纏綿惻愴之旨扶疏魁壘之致非凡近所能及也而頗以未覩文集爲憾今歲冬先生出扁善齋文存二冊見示屬爲之序家驛不敏何足窺見崖略然以先生惓惓誘掖之雅使盡一言又不敢卻竊謂情者文之經也情至則

扁善齋文存序

四

文至詩三百微婉而善諷委折而入情者甚眾古之文人感時抒志觸景興懷其言雖有純駁高下之不同其究不過自達其情志章氏實齋謂後世文章之流別其源皆出於詩教豈不然歟觀先生之文哆兮似春淒兮似秋能遺外世俗以自守阡陌而其纏綿惻愴之旨扶疏魁壘之致一如先生之所爲詩至述及少構愍凶流離顛頓先太僕公殉國丹陽骨肉同歸淒風急雨哽咽於紙墨之上一若天地間霏霜零雪窮陰沍寒別有世界讀之蹙蹙然悚人毛髮而不自知涕泗之橫集也嗚呼文章之感人深矣謂非情

扁善齋文存

之大可哀者哉先生耿介少許可而摯於友朋情之不可以已也今東陲作鯁顧丈橐筆萬里參軍謀遠左鐵梅又就官浙中欲自試於川窮山阻閑僻之地曩者益山朋酒高會貌不可得山城雪霽獨訪先生於荒江之濱啜茗論文與風濤互答旁皇四顧茫乎惻乎其亦唏然有同感焉已光緒甲午嘉平月世愚姪魏家驛

扁善齋文存序

五

自序

昔歲辛丑桂薌亭方伯胡碧澄分轉議捐資代刻拙集鄙意不欲朋友解囊乃自任之於是有扁善齋詩文存之刻勿遽將事校讐闕如文字薄弱學識膚淺蓋無足取辛丑至今又六七年涉筆雖簡積而成帙友人張君楚寶欲爲續刻媿謝其意因檢舊本汰其大不可者合前後付刊偶一展閱其無足取由夫昔也然讀書畢世一無表見區區論議在我爲長衰老病篤此事且廢忍而弃之未能決捨所識通人或加否賞傳與不傳卽非所計後世相知焉可預期過而

存之而已

扁善齋文存目序

一

扁善齋題詞

陳伯嚴三立 函

熙之先生執事大著玩味無盡學道君子之言固宜有此也妄爲加墨輒從古人謹嚴之例未識有當萬一否伏乞教酌原件封還三立頓首

又和詩 并函

龍贈兩章風格澹雅竟到北宋作者惟過辱獎譽殊非所敢承耳潦草屬和惡劣不可狀聊答嘉興且博一哂袁稿領訖熙之先生三立頓首

園館蕭蕭疏雨過池塘漲退見殘荷偶邀巾屨三花

扁善齋文存題詞

二

在高論義軒萬古多石罅風光照疏茗陸沈心事想

巖阿鯢鵬蠓蟻同無礙那信人間有網羅

屢劫還爲自在身孤松肅肅石磷磷輪困懷抱挹無

盡老去文章工愈新呼馬呼牛長此世屠龍屠狗竟

何人期公莫話苞桑計負手閒吟看積薪

楊怡真 懿年 贈詩 并函

涼雨敲窗撩愁未已展讀大集情志頓移竹垞雅

贍愚山篤實融一冶矣雅道中替幸接英賢神州

遙遙信斯文之未墜也欣賦二律用當筵鐘卽希

熙之先生粲正懿年頓首

秋聲撼漏初遲危坐耽吟扁善辭一卷芳馨孤客
淚百年瘡痍幾人醫長風鳴籟詩中境遠浦歸雲老
去思還仗耆英扶劫運傷心同際起衰時

南邦鐘鼓舊知名梅管而還孰主盟偏繼簪纓開箸
述不磨文字勝公卿驚心蜃市添諸幻歎血騷壇屬
老成天縱放翁詩骨健幸覩杖履慰平生

顧石公雲以詩代柬

雪對嘉平朔高齋酒一杯故人緘札到使我老懷開
數讀翻滋戚多艱坐負才醉餘詩代東鴻雁幾時迴
子孫食舊德譬若樹分枝根本初無別榮枯各有時

扁善齋文存題詞

八

縱嗟遺箸失不害大名垂家世論吾郡繩繩更數誰
書謂祖解筠制府以名臣著亂後嘗輯得遺文父太僕公及兄以忠節顯太僕著有黎垣紀畧並藏弟思庭許弟亡懼或失又懼門祚就衰然從兄若猶子已相繼入詞林遺文紀畧即未刊祖父固傳人故廣之此

曾聞鬼所愛茂柏與深松豈把兒曹事仍關老子胸
蕭閒憑卻病藥裏幸能供修短鵠原命毋傷夙昔鍾
書中感繼嗣述病狀兼悼亡弟故云

傳書操契券逸韻寫孤懷終古留名地高文扁善齋
底須繁撰述轉使瘁形骸不朽吾儕辦甯同令僕偕
書中以擬著續通鑑注皇朝經解長箋說文假借通例江左世說並未成爲恨而所著扁善齋文集詩

集已行世故以釋之

掉鞅爭皇路相看舊侶稀旂常何擾擾蚤駉依依
心契程甯邇身潛世共違庭松寒偃蹇初未識炎威
書及交遊多顯達故云

吟罷雪猶積愁來酒復傾 朝廷紛制治戈甲莽邊
城念亂憂生候暮雲春樹情耦耕慙沮溺百畝竟難
營詩有句云南村卜宅虛前約何計能營下溪田

扁善齋文存題詞

九

扁善齋文存目錄卷上

進呈序

江南武闈鄉試錄序

代

議

儲備人才以匡時務議

請遣散洋弁暫停練軍議

書

復周玉衡書

與周玉衡書

復吳鑒伯書

扁善齋文存目錄

附吳鑒伯書

復顧石公書

又復石公書

復楊緝庵書

謝端制軍書

答周玉山尙書書

記

義舉合祀記

水師學堂記

代

濠堂記

韜樓記

遜齋記

銅山縣學捐置儒養恤田記

林氏義莊記

劉子琇觀察照象記

吳縣吳氏兩世孝子畫象記

華亭張氏義莊記

重修廣東金陵會館記

徐州中學堂記

代

序

扁善齋文存目錄

光緒臨朐縣志序

蔣幼瞻詩集序

石城七子詩序

代

益麓祭詩圖序

合肥董氏支譜序

代

臨川桂氏族譜序

有不爲齋集序

楊劭農遺集序

重刊曾文正公家書序

讀

梅懸符先生象讚

梅定九先生象讚

梅卓菴先生象讚

梅少菴先生象讚

王采臣方伯象讚

扁善齋文存目錄卷下

傳

李廷樞傳

馮桂增傳

丁按察家傳

扁善齋文存目錄

趙母方恭人家傳

朱氏殉難家傳

孫太宜人傳

吳母張太孺人家傳

孫烈婦郭孺人家傳

馬烈婦傳

湖北巡撫文節陶公家傳

墓表

皇清誥授資政大夫雲南布政使司布政使姚公墓

表

碑銘

皇清誥贈頭品頂戴建威將軍湘鄉劉公神道碑銘
并序

墓誌

周府君墓誌銘
并序

蔣漁生先生墓誌銘
并序

誥授奉政大夫同知直隸州用山東臨朐縣知縣姚

先生墓誌銘
并序

試用教諭陳先生墓誌銘
并序

誥封朝議大夫太常寺博士甘君墓誌銘
并序

扁善齋文存目錄

亡室李宜人權厝銘

附從兄嘉縝李宜人家傳

皇清誥封一品太夫人桂母陳太夫人墓誌銘
并序

誥授中議大夫徐州府運河同知萬府君暨配李恭

人合葬墓誌銘
并序

蔣紹由墓誌銘
并序

潘孺人墓誌銘
并序

周健之墓誌銘
并序

僕倪文碣銘
并序

行述

皇授中憲大夫贈太僕寺卿 勅建專祠崇祀昭忠
祠世襲雲騎尉浙江候補知府顯考子楚府君行
述

附錄

追贈太僕寺卿浙江候補知府鄧府君墓碑銘 并

序

顧雲

皇清誥封淑人顯妣吳淑人行述

附錄

吳淑人家傳

顧雲

行狀

扁善齋文存目錄

五

皇清貽贈儒林郎國學生附祀昭忠祠先仲兄引之

府君行狀

誥授中憲大夫光祿寺署正柳塘周先生行狀

行略

繼室穎川君行略

狀

狀郭李氏

書事

書韓林事

祭弔文

公祭沈文肅公文 代

祭趙惠甫先生文

祭顧石公文

四賢祠弔陳后山文 并序

昭忠祠招魂告先考文

招魂告先兄嫂文

曾文正公祠春祭文 代

書後

書臨朐縣志科貢表後

書孫繡田先生同人書札後

扁善齋文存目錄

六

說

雜說

懲亂篇

扁善齋文存目錄終

弟嘉綱校字

扁善齋文存卷上

江甯鄧嘉緝熙之

江南武闈鄉試錄序

代

光緒五年夏臣疏請舉行本年已卯科武闈鄉試並補行同治三年甲子科得

旨俞允十月初諏期將事進江甯將軍臣某江蘇學政臣某錄送旗生武生共若干名分三闈而試之會臣舊疾舉發具疏奏請以代理江甯布政使題補道臣某代臣將事因檄飭會同臣某某等協力認真校閱詳稽條例取中如額恭上試錄進呈

扁善齋文存卷上

一

御覽臣例得颺言簡端竊維周禮大司徒以鄉三物教萬民而賓興之一曰六德知仁聖義中和二曰六行孝友睦婣任恤三曰六藝禮樂射御書數州長春秋以禮會民而射於州序三年大比與於賓興者罔弗嫻於禮射古無所謂武科也周有方叔召虎漢有衛青驃騎戡亂擾攘之際立功邊徼之表圖形丹青勒銘景鐘未聞以科目顯唐宋以來分設武科至明始有三場之例制與文闈取士相埒我

朝因之而法益美備焉每屆科舉有司奉行惟謹將以搜草澤之奇儲虎賁之選意至深遠也夫不知翹

關負重而爲將者有之矣未有弗驍捷材藝而可謂將者也卽不必驍捷材藝而爲將者亦有之矣未有弗忠勇奮發嫻習方略而可謂將者也仰惟

聖朝名將挺生彪炳竹帛同治初元東南蕩平謀臣戰士雲興霧集超越前古獨以武科勛位通顯若前浙江提督李長庚前陝甘總督楊遇春等輩搜指可數而豪暴狡桀武斷於鄉曲者往往而是將求之之道非歟何收效之或寡也今以權奇魁雋之材資之以折衝禦侮之事而舉於闕弓桀石中致之義已儉而用已狹矣殆將消其獷戾標悍之氣以納諸優柔

扁善齋文存卷上

二

平直之塗使一就乎吾之繩檢而鬻競者無所於逞意在斯乎意在斯乎然大江南北山川雄厚庶幾有鍾孕靈異爲他日干城腹心之寄者則尤取士者所亟欲拔而擢之者歟兩江總督臣某謹序

議

儲備人才以匡時務議

夫圖治以得人爲急而用才以經世爲先矧值艱虞尤資幹濟故漢武求賢不遺跡弛曹公選士兼采畸衰是以絕塵之騎非芻豆所能羈巨室之才非洞酌所能潤昔燕臺市骨而累致千里之馬臨淄開邸而總集四方之士但使廣加延攬必能旁搜俊乂方今吏道多端才胥罕覯科舉者每汨於帖括資進者或溺於膏粱雖負殊尤無能炫鬻是則玉惟韞積豈問求沽錐未處囊莫由脫穎同治初元曾文正公開館

扁書齋文存卷上

三

皖江容接士類或抽擢於幕府或幣聘於賓僚其有一能一藝皆優其廩餼置之書局採訪忠義局糧臺善後諸所以求獻替于時多有明體達用之儒奇才異能之彥輻輳輪轅效其尺寸得人之盛隆於曩昔若徐雪村李任叔周騰虎趙烈文等輩類皆技服遠人慮周四表方之今世殆無匹倫自時厥後久虛甄采夫紛爭之世豈必借箸於他邦戡攘之時未聞求才於先代是故南金東箭待采伐而呈材山壁川珠俟搜羅而貢瑞況兩江地大物博人文淵藪豈無懷奇負異之士未經展用沈屈韜晦不屑求通盱衡局

扁書齋文存卷上

四

外手無斧柯者乎謂宜急加延訪廣爲收召茲特就時事所急條爲十科一曰練習邊情講求輿地二曰奇技異能創物利用三曰暢曉方言折衝樽俎四曰包孕韜略決策制勝五曰測算精密研究數理六曰諳通商務兼綜會計七曰明於六政洞悉利弊八曰章疏箋牘通達治體九曰膽識充裕樸實耐勞十曰理煩治劇肆應不窮若此諸人無論已仕未仕若文若武若工若商或違才易務不獲展其蘊蓄或負俗忤時至見擯於鄉里但能應此格者皆許其來轅投效立予擢用擬請於會垣創設儲才館一區凡一長足錄一藝能名者奏技而來卽爲延接量給修餼虛懷諮訪雖未必遽收其效使之轉相汲引冀可拔識眞才又通飭各屬物色訪求以禮招致其有窮鄉僻壤匿跡銷聲者亦必廣致搜羅殷勤款接務使英髦登進氣類咸通苟得其人卽加褒獎毋許虛應故事視若弁髦如其應命來轅請依文正故事隨其材器量爲位置庶幾十室之忠信可得一時之環瑋咸臻矣

請遣散洋弁暫停練軍議

練軍之創原於漸圖自強所以振

國威而爲民衛也不謂夷情叵測難於淡洽自格羅才被毆後兵輪領事沓至紛來我雖重懲生事之人以慰其意而彼之要求需索有加無已既爭恤賞又請領三年薪資回國養病並稱此事了後方肯移駐吳淞近且於黜陟賞罰欲專其柄似此縱恣不已斷難將順幸而格羅才受傷旋愈萬一誤毆致命又將何以處之況格羅才之外洋弁尙有三十一人彼見格羅才因傷獲利難免不生效尤無故尋鬧萬一

扁善齋文存卷上

五

情形稍重彼或迫我以難從之事不能應命誠恐轉生一敵若曲意遷就則爲日甚長因彼三十一人而吾之疲於承順防閑無時得安矣以現在之行徑揣他日之隱憂必至於此夫洋弁旣爲中國練軍則無日不與中國軍民交接若因偶爾違迂遂至多方要挾如其屈已勉從未免損

國威重兵輪動輒駛至民心尤易惶恐練軍之創將及一年而其教練之法漫無程式是則自強之效尙未可知而洋弁之來轉多內患思維至再惟有改絃易轍弭患無形擬請俟格羅才之事完結之後告以

中國暫停練軍將洋弁以次遣謝彼卽執三年薪水之說則斟酌應付其數可以核計較之遇事誅求茫無限制者大有輕重之別如此則彼將無所藉口且可消未然之患矣某出於憂憤之誠妄陳禱昧是否有當伏候鈞裁

扁善齋文存卷上

六

書

復周玉衡書

前日接到手書驚悉柳哥凶耗手顫心搖悽愴不容
自己時方染時疫未起不止垂死病中驚坐起也傷
哉傷哉江甯人任事則必圖利其賢者不肯自私自
利而又絕無任事之心惟柳哥實心任事又能脫然
於私利之外地方不幸殄此哲人吾鄉之耆舊盡矣
吾弟本非肆應之才忽值此非常之變其摧割無措
深可憐憫加以性情肫摯友愛過人豈非至痛莫可
寬解然尊府經此挫折芸哥愈不容家食而門戶一

屬書齋文存卷上

七

切賴弟獨力支持芸哥始可坦懷內顧尙望抑鵠原
之戚述前人未竟之緒使家法表於閭里卽所以仰
慰柳哥也兄自弱冠以後出門求友萬眾之中獨識
柳哥因柳哥以識鶴儔自後得紹由子鵬如秦陳諸
公分屬前輩未敢友視然蔣顧二君自是兄好其品
學若親愛款曲傾心兄事則除然明兄中表外惟柳
哥一人而已比年雖蹤跡不密而其情愈親觀柳哥
狀貌近年往來城南北安步輕健竊料同輩中惟柳
哥克享大年柳哥於家鄉掌故前輩嘉言懿行及承
平景物皆能淹貫於中言之娓娓方期稍集草堂之

屬書齋文存卷上

八

資卜居西城與柳哥追隨於香棚茶社閒話所聞見
纂爲世說以備吾鄉故實何遽不幸而人物志與之
俱亡矣傷哉傷哉兄有困頓柳哥卽愀然不怡如疾
痛之在己猶憶癸未甲申間兄自山東歸里閉戶閑
居無所得食而柳哥皇皇代謀盛稱兄之品學於石
閣學閣學因游揚於唐果介張詔臣軍門諸公間聲
譽得以稍廣以迄於今未嘗報稱而柳哥初無德色
亦不聞向人言也柳哥之爲人實足爲後進矜式聲
音笑貌非善狀之筆不足傳神轉使言論丰采爲之
減色然兄雖自慚薄劣揆之生平風義不應退讓自
宜勉竭愚思抒寫所見以副吾弟之望惟新病初起
不能精神貫串且聞哀伊始酸來刺鼻慘沮不復成
文期以夏秋之交或誌或傳或表必當覩縷成之俾
良友行誼之美不泯於世是則兄所庶幾而不敢知
者也遠道寄幃聯不易茲撰聯語鈔呈卽祈購洋布
託友人代書應時懸挂子鵬赴任兄遂無人可託隨
後再寄莫也手此奉唁情至不覺煩瑣病起不任久
坐執管欲墮惟鑒其悃款善自寬譬是所至禱此惟
凡百自愛

與周玉衡書

久不得手書殊深思想兄終日鬱鬱無一愜心之聞見故懶於握管自五月以來酷熱四五日非常亢燥連得透雨之後由入伏以次立秋極其涼爽可御單袷勉強構思將柳哥行狀謾成自恨運筆拙滯不能描寫惟肖然生平交契之厚愛仰之誠略具於此自來紀傳之文其所以推重一時者無非稱其序事之妙今流輩以及目中所見乃至不能序事安問妙與否耶里中此詣幾於絕響如廖伯少農皆美才銳志人苟知愛重而保護之其成就殆未可量昔初堂之

扁善齋文存卷上

九

狀東原稚存之狀仲則人皆以爲傳作以鄙見觀之其於性情行誼猶未能躍然紙上未知拙作實之知者其譏彈正何如也若肯指其疵彙真愛人以德之君子今世殆未易覩望弟以此求正於雨生伯虞諸先生請其斧削但欲存柳哥真面目不詒識者詆訶卽鄙人與弟均無憾矣廖伯於尊府亦甚親密可謂能者何以此次並無其文春間少農書來云廖伯太夫人仙逝似是確耗而廖伯並未赴告廖伯於兄尙契當不至見遺弟來書亦未道及究竟廖伯少農近日蹤跡何所近狀如何頗爲馳念幸暇中示及如晤

二君乞致鄙意爲要曾復廖伯一書是後更未得其報書矣江甯人才不競已極山川盤磅之氣未應闕寂至此前輩之於後進皆有鄙夷不屑之心獨善其身以避怨讟而後進益不知趨嚮無所就正吾輩雖無名位然加意材雋不惜宏獎許其已能勉其未至互相推挹使彼自愛自重樂於向上風氣一開鼓舞於無形然後成德達材之彥出乎其中矣未知高明以爲然否兄之教職自甲戌考得卽加本班先花樣至今杳無選期渦匪之平兄與鎮幕姚君尙契姚君力勸列保兄告以實情姚云加一前字或可望選兄

扁善齋文存卷上

十

遂聽之其實姚亦不知能選與否且奏案至今未定也芸哥天津之事如何尙足以安其身否剛相在省似是一味搜括於吏治民生毫無所益而政體元氣實有所損枋臣舉動若此大非佳朕正在伏中與秋無異大非所宜恐秋間瘡痍盛行起居服食務宜自慎兄日見其衰無足顧惜前蒙勸誨以節勞早眠爲主語意肫摯悻悻於心然自茲以往卽至期頤亦不過爲人服役供人喫著一身祇見其苦特不敢大意致疾仍須一已忍受耳兄前捐昭忠祠祭祀經費一伯元曾囑伯虞先生倡助捐募集成三伯元其息卽